

大清詔令

大清詔令卷之一目錄

定鼎建號詔

平定陝西詔

平定江南詔

定鼎建號

奉

天承運

皇帝詔曰我國家受

天眷祐肇造東土

列祖邁圖鴻緒

皇考彌廓前猷遂舉舊報誕膺新命迨朕嗣服雖在
冲齡緝念紹庭永綏厥位頃緣賊氛游職極禍
明朝是用記重親賢救民塗炭乃方馳金鼓旋
奏澄清既解倒懸非富天下而王公列辟文武

羣臣暨軍民耆老合詞勸進懇請再三乃於本年十月初一日祇告

天地

宗廟

社稷即皇帝位仍建有天下之號曰大清定鼎燕京紀元順治緬維峻命不易勲業尤艱况當改革之初更屬變通之會爰乃酌今準古格天時人事之宜庶幾吏習民安彰

祖功

宗德之大所有各行條例臚列於左

一親王佐命開國濟世安民有大勲勞者宜加
殊禮以篤親賢應行典禮院部大臣集議具
奏

一親郡王子孫弔姓應得封爵該部通察往例
損益折中具奏定奪

一滿洲開國諸臣運籌帷幄決勝廟堂汗馬著
功開疆展土俱應加封公侯伯世爵錫之誥
券與國咸休永無世窮

一滿洲自開國以來將領等官應得叙履該部
通察往例奏請施行

一大兵入閩以來文武官紳倡先慕義殺賊有
功以城池歸順者該部通行察叙具奏定奪
一自順治元年十月初一日昧爽以前官吏軍
民人等有犯除謀反叛逆子孫謀殺祖父母
父母妻妾殺夫奴婢殺家長殺一家非死罪
三人揀生折割人謀殺故殺真正人命盡毒
魔魅毒藥殺人強盜妖言十惡至死罪者不
赦外其餘已發覺未發覺已結正未結正成
赦除之有以赦前事相告誦者以其罪罪之
其隱隱在官及民間財物人口牲畜者許自

首免罪如被人告發不在赦例

一朝廷高爵厚祿優養臣僚原欲其為國盡忠
國之安危全係官僚之貪廉官若忠廉則賢
才向用功績獲彰庶務皆得其理天下何患
不平官若奸貪則賄賂肆行庸惡倖進無功
冒賞巨愆得以漏網良善必至蒙冤吏胥舞
文小民被害攻之紊亂是始於此自本年五
月初一日以後凡在京大小衙門及在外樞
樞司道各府州縣鎮協營路軍衛等官併書
吏班皂通事撥庫什糧長十季夜不收等役

但有貪賄枉法剝削小民者照常治罪不在赦例

一凡軍兵行伍之中隱匿無主財物因而犯罪者盡行赦免

一出征兵丁多有勞苦其家口著該部厚加存恤

一地畝錢糧俱照前朝會計錄原額自順治元年五月初一日起按畝徵解凡如派遣餉新餉練餉召買等項悉行蠲免其大兵經過地方仍免正糧一半歸順地方不係大兵經過

者免三分之一就今年一年正額通算

一各直省起存拖欠本折錢糧如金花夏稅秋糧馬草人丁鹽鈔民屯牧地窩課富戶門攤商稅魚塢馬價柴直束株鈔貫果品及內供蠟茶芝麻棉花絹布絲綿等項念小民困苦已極自順治元年五月初一日以前凡未經徵收盡行蠲免

一京都兵民分城居住原取兩便萬不得已其中東西三城官民已經遷徙者所有田地應納租賦不拘坐落何處俱准蠲免三年以順

治三年十二月終為止。南北二城雖未遷徙而房被人分居者。所有田地應納租稅不拘坐落何處。准免一年。以順治元年十二月終為止。

一丁銀原有定額。年來生齒凋耗。版籍日削。孤貧老幼。盡苦追征。殊可憫惻。自今以後。各撫按官嚴行有司。細加察核。凡幼未成丁。老殘未豁者。悉與豁免。

一軍民年七十以上者。許一子侍養。免其雜派差徭。八十以上者。給與絹一疋。綿一斤。米一

石肉十觔九十以上者倍之有德行著聞為鄉里所敬服者給冠帶榮身

一窮民鰥寡孤獨篤廢殘疾不能自存者在京許兩縣申文戶部告給養濟在外聽該府州縣申詳撫按動支預備倉糧養給務使人需實惠昭朝廷恤民至意

一所在孝子順孫義夫節婦有司細加諮訪確具事實申該巡按御史勘給奏聞以憑建坊旌表

所在神祇壇廟不係淫祠者有司務竭誠敬

毋致褻慢。明朝諸陵仍用內貲。及陵戶看守。撥給香火地土。仍春秋致祭。各處帝王陵寢。及名臣賢士墳墓。被人毀發者。卽與修理。要禁止樵牧。

一在京文官一品至九品。在外方面各官。及知府府佐州縣正官。俱給與應得誥勅。凡京官署職試職。俱准實授。仍給與應得勅命。文官三品以上。廕一子入監讀書。京官八品以下。准給本身勅命。願移封移贈者聽。

滿洲院部及各衙門辦事官員。効勞深久。該

部通行察叙

一山林隱逸之士、有懷才抱德、堪為時用、及武畧出衆、膽力過人者、撫按據寔具荐、該部覆覈、徵聘來京、以便擢用

一前朝建言降謫諸臣、果係持論公平、有裨治理者、吏部具奏召用、其各衙門官、有橫被誣害、公論稱寃、曾經薦舉、不係貪酷犯賊者、併與昭雪叙用、一應為民者、准復冠帶、閑住者准敘仕

一會試、定於辰戌丑未年、各省直鄉試、定於子

一
二
午卯酉年凡舉人不係行止黜革者仍准會
試各處府州縣儒學食廩生員仍准給廩增
附生員仍准在學肄業俱照例優免

一武舉會試定於辰戌丑未年各省直鄉試定
於子午卯酉年俱照舊例

一京銜武學官遇子午卯酉鄉試年仍准開科
一體會試

一京府并省直各府州縣學廩生貢額年分不
等今正貢准改恩貢次貢准改正貢每處貢
二名止行一年後不為例有才華出眾孝弟

著聞者不拘原增附學許提學官特爲試用
一前朝文武進士文武舉人仍聽部覆用

一品官有三母三妻照前朝車馬事例俱准封
贈

一品官妻已受封贈其次室亦准用本品冠帔
束帶禮服

一直省各學貢士聽地方官覈寔申文該提學
官於所在學田內動支錢米酌量賑給

一國子監積分監生已經考定者即與選授撥
出歷事監生充歷二箇月其各衙門辦事官

吏自大兵入京以來効有勤勞者聽該堂上官分別具奏應上邠者准與上邠應冠帶者量給冠帶。

一前朝宗室有首倡投城先來歸順赴京朝見者仍給祿養以昭朝廷興繼意至

一在京在外武職官員應給封誥者照例給與三品以上者仍准撰文

一前朝勲臣及子弟有倡先投順仍立功績者與本朝一體叙錄應給封誥者照例頒給其現有官職已經來朝者准仍充原職

一在京錦衣等衛所及在外衛所官貧已經歸順者俱准照舊其帶領兵丁獻納土地倡先投誠者加一級歸順復立有功績者另行優叙

一在外營路將領等官有乘寇亂擾攘私帶在官兵丁馬匹自護回家者准將原兵原馬數交官前事免其追論

一北直河南山東節裁銀及山西太原平陽二府新裁銀應解兵部者前朝已經免解其太原平陽二府舊裁及各府新舊節裁銀兩在

本年五月初一日以前者俱免罪以後仍照
現行事例分別蠲免

一會同館馬站驢站館夫及運運所車站夫價
等銀除本年五月初一日以前免解外以後
仍照例分別蠲免

一有司徵收錢糧止取正數凡分外侵漁秤頭
火耗重科加罰巧取於民者嚴加禁約違者
從重參處

一京師行商車戶等役一遇倉派項至流離近
年已經停報以後永行除豁以蘇民困

一各運司鹽法向來連年加增有新餉練餉及雜項加派等銀深為厲商今盡行蠲免今止照舊額按引徵收本年仍免三分之一

一開津抽稅原寓畿察非欲困商順治元年准通免一年自二年正月初一日以後方照明朝初額起稅凡末年一切加增盡行蠲免其省直州縣零星抽取落地稅銀名色概行嚴禁

一各處州縣有曾經兵火寇亂殘破地方其應納錢糧已經前朝全免者戶部察明彙題仍

興全免不在免半免一之例

一柴炭錢糧向來派順天保定山西六十八衛
所掌印官於內扣除解兵部給發商人承辦
今軍衛額餉久停前項銀兩戶部即於軍餉
應發數內扣出徑自招商辦買以供內庭烟
爨各衛官不得朦朧私派

一直省額解工部四司匠價料價銀磚料銀蒜
麻銀車價銀葦夫銀葦課銀野味銀翎毛銀
活鹿銀大鹿銀小鹿銀漁課銀羊皮弓箭撒
袋折銀扣剝水腳銀牛角牛筋銀鵝翎天鵝

銀、民大銀、地租銀、匠班銀、缸埤銀、煤炭銀、麻
鐵班竹銀、白猪條銀、開夫銀、梳子銀、藍靛銀
河夫銀、播州子粒銀、狀元袍服銀、衣糧改柴
夫銀、盧課等折色銀、搬運木柴銀、抬柴夫銀
盔甲腰刀弓箭弦條、脾襖褲、鞋、狐麂狸皮、山
羊皮課、鉄黃檳榔、吞胭脂、花梨、南來紫榆杉
條等水搬木、桐木板枋、冰窖物料、葛楷、盧葦
蒲草、榜紙、磁埤、槐花、烏梅、梔子、筆管、芒苗、苕
帚、席草、粗細銅絲、鉄線、鍍白銅絲、鉄條、磁碌
子、青花綿松香、光葉書籍紙、嚴漆、罩漆、桐油

茄荳紫水斑等竹實心竹棕竹白圓藤翠毛
石礬川二殊生漆沙葉廣膠煇硝螺等本色
錢糧自順治元年五月初一日以前逋欠在
民者相應盡行蠲免以旌民困自五月初二
日以後仍照先行事例分別蠲免

一五 解屯司助工銀一項原係加派錢糧悉
准蠲免

一各直省運糧官役有因漂流掛欠并侵沒漕
運錢糧見在收糧衙門及原籍追比未完自
本年五月初一日以前盡行一槩釋放

一有直解官解戶領解被賊寇劫失在順治元年五月初一日以前者咸與豁免

一山陝等處軍民人等有曾被流寇要挾今願改絃易轍傾心歸化於所在衙門有降表者及有甘結文案可據者縣從赦宥

一省直各州縣土寇有賊首已經就擒脅從歸農復業及脅從共擒賊首赴所在官司連名自首者前罪併赦勿論

一凡訛言妖術煽惑平民燒香聚衆偽造符契擁集兵仗傳頭會首已經緝獲正法其脅從

人等果改邪歸正者將前罪免論

一向來勢家土豪舉放私債多取利息折準房屋以致小民傾家蕩產深可痛恨今後有司官不許聽受賄囑代為追比犯者以違制重論

一越訴誣告敗俗傷財已經嚴禁而有司奉行不力刁風未止自今大赦以後凡戶婚小事俱就有司歸結倘奸棍訟師誘陷愚民入京越訴者定加等反坐如刑部官不由通狀濫受民詞許科道糾察請旨究處

一贖錢之說、原開罪人自新之路、向來有以違
通罰錢、反致傷生、或以罪贖不完、板引代納、
甚為民害、今後一切禁止、有力不能完者、速
與免追歸結、

一向來巡按官、以聲訪為名、聽衙索開送、誣告
良民、料取贓贖、最為弊政、今後悉行禁革、如
地方大奸大惡、窩藏、包攬詞訟、詐財害
衆者、許訪察的確、一面家奏、一面嚴拏、務盡
除姦宄、以安良善、

一人命至重、歷朝皆有三覆奏之例、而失出之

罪輕於失入以後凡問刑官負母執已見母
徇賄屬務在得情仍須勤敏毋致人亡業積
以于

天和

於戲

天作君師惟鑒臨於有德民歌父母斯悅豫於無疆
既已喻旨布恩弘敷大賚將使投誠歸命無
阻幽深惟爾萬方與朕一德播告遐邇咸使聞
知

順治元年十月

初十日

日

平定陝西詔

奉

天承運

皇帝詔曰周弘大賚天下歸心漢約三章秦民咸
悅流賊李自成殺君虐民多行悖逆神天共怒
自速誅亡至朕誕膺

天命撫定中華尚敢竊據秦土以抗拒聲教朕憫其
荼毒久切痼瘼爰整統緒窮搜巢穴豫王移南
伐之衆直搗靖函英王秉西征之旄濟自綏德
莫不追奔逐北斬馘獲俘百二山河定於俄頃

寔賴我

太祖

太宗之純淑籍

皇叔攝政王之弼成致於眇躬克揚大烈緬惟全秦
衆庶莫匪嘉師向因羣盜縱橫迄無寧宇頻年
桿禦既竭脂膏一日染汗重遭湯火雖賊以此
始必以此終要其受禍久而毒痛深未有過於
秦人者矣朕執言弔伐本為除殘既受歸誠宜
矜謹誤是用特施浩蕩咸與維新所有陝西地
方合行恩例開列於後

一順治二年二月初一日昧爽以前陝西通省
地方官吏軍民人等有犯無論大小已發覺
未發覺已結正未結正并文武偽官等罪咸
赦除之有以赦前事相譴告者即以其罪罪
之其隱匿在官及民間人口牲畜財物者許
自首免罪各還原主如被人告發者不在赦
例

一官吏貪贓最爲民害自本年二月初一日以
後該省撫按司道各府州縣鎮協營路軍衛
各官并書吏班皂通事撥什庫糧長十季夜

不收等役但有貪贓枉法剝削小民者俱治以死罪

一地方初定亟需撫輯綱縷應設督撫鎮將等官以資彈壓會城根本之地應留滿洲重臣重兵鎮守其延安甘肅四鎮實在兵馬應行文清覈以便裁定經制潼關南雄及楚蜀衝要地方應酌量置兵控扼看吏戶兵三部作速確議具奏

一陝西通省地畝錢糧自順治二年正月為始止徵正額凡加派邊餉新餉練餉召買等項

悉行蠲免。其大兵經過地方，仍免正銀一半。歸順地方，不係大兵經過者，三分免一。西安等府州縣遭寇焚掠，獨慘應聽撫按官察明。順治二年錢糧應全免者全免，之半徵者半徵。

一陝西起存拖欠夏稅秋糧馬草人丁鹽鈔民屯牧地及內供蒿草水折錢糧未經徵收而逋欠在民者，自順治二年正月以前盡行蠲免。

一大兵初入陝西境內，該地方文武官紳倡先

慕義殺賊有功以城池歸順該部通察叙具奏定奪

一秦中山林隱逸之士有懷才抱德堪為時用及武畧出衆膽力過人者撫按舉薦該部覆覈徵聘來京以便擢用

一該地方前朝文武進士文武舉人仍從該部覈用

一該省地方前朝建言降謫諸臣果係持論公平有裨治理者吏部具奏召用其橫被誣害公論稱冤曾經薦舉不係貪酷犯贓者併與

照例叙用。一應為民者准復冠帶。閑住者准致仕。

一該地方軍民七十以上者許一丁侍養免其雜派差徭八十以上者給與絹一疋綿一斤米一石肉十斤九十以上者倍之有德行著聞為鄉里所敬服者給與冠帶榮身。

一各運司向來加增新餉練餉及雜項加派等項前次恩詔已盡行蠲免止照舊額按引徵收秦省鹽法事宜准一體通行本年額課仍三分免二

一該省落地稅銀照例禁止

一有司征收錢糧止取正數不許分外侵漁秤頭火耗違者治以重罪

一前朝秦肅度韓瑞等各府宗藩有倡先投順者優給養餼其一切藩封荒蕪田宅聽彼處撫按官舉明彙報

一民間貿易資本雖在赦前應選應取者照舊取還

一該省生員鄉試舉人會試俱照直隸及各省事例一體通行各學廩增附生員仍舊肄業

俱照例優免其有被聞賊威逼曾投偽職者
盡行赦宥生員歸學舉人准赴京會試
一秦民自遭兵革不知晦朔該部速頒新歷使
百姓遵行

一該省各府州縣衙儒學廩生准照恩例每學
貢二名

一歷代帝王陵寢秦在秦中者有司照例以時致
祭及名臣賢士墳墓俱嚴禁軍民掘毀

一該省各學生員聽地方官核定申文該提學
道所在學田內動支錢糧酌量賑給

一軍民人等有昔被流賊要挾今願改結易轍
傾心向化於所在衙門投有降文及甘結可
據稟從寬宥

一凡訛言妖術煽惑平民聚眾燒香偽造符契
擁集兵仗其傳頭會首怙惡不悛者自當嚴
緝正法脅從人等果能改邪歸正解散力農
者前罪不究如執迷不悟又被人告發者不
赦

一該省肅州地方嘉峪關外西域三十八國部
落之長投誠歸順者撫按官察實具奏以便

照例封賞

一面番都指揮指揮宣慰招討等司萬戶千戶
府所等官舊例應於洮河西寧等處各茶馬
司通貿易者准照舊貿易原有官職者許至
京朝見授職一切政治悉因其俗

一烏斯藏番僧應從陝西入貢者該布政司察
明果齋有印信番本咨文准照舊例入貢

一四川湖廣等處近陝西今蜀有猷寇楚有老
回回等寇及鄧陽德安荊州襄陽等處流孽
未靖土寇尚繁有能倡先投順者文武官貢

仍與委任其帶領兵馬及以城池來歸者仍量功大小陞擢賞賚軍民人等一體恩養

一凡軍民行伍之中隱匿無主財物因而犯罪者盡行赦免

一營路將領及喬寓等官有乘寇亂擾攘私帶在官兵丁馬匹回家准將原馬原兵照數交官免其追論

一各州縣土寇有乘機竊發賊首已經就擒脅從歸農復業及脅從共擒賊首赴所在官司連名自首者前罪併赦勿論

一邊方兵馬投順仍願入伍効用者各清察實
在數目准與造冊酌用

一秦中久為寇穴無知愚民多被誘惑恐大兵
不及到之地尚有餘孽遁跡果能投誠歸順
前罪俱准赦免如負固不服地方官民能率
眾擒捕者量力獎賞不許株連誣害自干重
典

一逃散良民故業或被賊黨勢眾乘亂霸占以
致遷挪良弱資生無策有能省改前非一一
歸還本主者無論賊黨豪傑投赦宥違者仍

以索寇治罪

一該省工部四司料銀匠價銀弓箭撒袋折色銀兩、盔甲腰刀本色錢糧、自順治二年二月為始、從前逋欠在民者、相應盡與蠲免、以甦民困、自本年二月以後、應徵錢糧俱歸戶部、其順治二年額數、照戶部丁地錢糧事例、照數一體蠲免。

一秦省解官解戶領解錢糧、侵盜與被賊寇劫失者、自順治二年二月以前、咸與赦免。

一陝西應差巡按御史、都察院連行題用。

一地方初定有司未經銓除撫按當亟行察覈
一切為賊逼脅情出於不得已者無論有司
及鄉紳舉貢不妨量才題委候事平另行定
奪不得濫及匪人

一陝西在今日撫卹救民為第一義撫按不得
聽從有司濫准詞狀以戕害窮民果有姦惡
不法大者題請小者撫按拏問依律懲處一
切敲賄折罰嚴行禁革務令州縣官一意課
農仍於歲終察其荒熟多寡以分殿最

一衙署役來害民乘此寇亂之後更易為奸撫

按嚴行所屬不許有司偏聽積習朦蔽致火
姓湯火之後復被殘害如本官不行嚴飭致
有前項不法者撫按訪出官役一併治罪

一撫按舊習迎送往來交際餽遺實為可恨以
後除文移往來外不許交相餽送況紙贖既
革養廉之外便是貪賄撫按為朝廷法吏當
先為倡率切勿貽惑

一撫按承差向來濫用多至百十餘人最為民
害今各院止宜用二十人以脩齋奉除緊急
重大文移外不得擅差承差擾累驛遞違者

重虞

一越訴誣告屢經嚴禁該省人民初出湯火尤宜息訟務農凡戶婚田產小事止就有司歸結人命劫盜重大事情方赴按告理倘奸棍訟師誘陷愚民人等入京赴訴察出一併反坐

於戲慰苗民於清閒線寡有辭恢湯網而克寬雲霓在望試諧羣志以迓

天庥拯溺救焚非敢私於西土承流嚮化期共喻於多方布告臣民想宜知悉

順治二年四月

初十

日

平定江南詔

奉

天承運

皇帝詔曰。光岳合而泰階平。南北一而兵爭息。越
稽往古。靡不同符。本朝立國。有年。幅員既廣。醇
朴為治。無意併兼。往來耕墾。疆場構兵。本欲言歸於
好。不期寇克。極禍明運。永終於是。整旅入關。代
為雪恥。猶以賊渠未殄。不遑起居。隨命二王。誓
師西討。而南中乘釁立君。妄僭尊號。罔聞國郵。
亟行。亂政。重困民瘼。負四海不義之名。阻東西

向化之路朕用是夙夜祇懼思救荒黎故西賊
既摧旋行南伐上託

祖宗之庥烈內藉

皇叔之成謀定國大將軍豫王仗義而東兵無頓刃
而河南江北次第歸誠甫克維揚隨平江左金
陵士女昭我

天休既獲福藩南土畧定從此輕徭薄賦可漸進於昇
平將來制度考文冀徐興夫禮樂朕念峻命之
不易悼斯民之孔艱深切痼癘宜矜誥誨特弘
大賚嘉興維新所有河南江北江南等地方合

行恩例開列於左

一自順治二年六月初十日昧爽以前河南江北江南等處地方官吏軍民人等犯罪無論輕重大小已發覺未發覺已結正未結正咸赦除之而有以赦前事相訟者告以其罪罪之

一河南江北江南等處人丁地畝錢糧及關津稅銀各運司蓋課自順治二年六月初一日起俱照前朝會計錄原額徵解如有官更加耗重收或分外科歛者治以重罪凡加派遠

餉練餉剿餉召買等項永行蠲免即正項錢糧以前拖欠在民者亦盡行蠲免

一大兵經過地方免正糧一半歸順地方不係

大兵經過^{通免}者過三免分之一自順治二年六月初一

初一日起至本年十二月三十日止

一大兵克取西要收復中原平定江南文武各

官運籌決勝汗馬著功并行間兵士俱著該

部通行察敘以憑封賞

一官吏貪賄最為民害自本年六月初一日以

後各按撫司道及府州縣鎮協營路軍衛等

官并書吏班皂通事撥什庫糧長十季夜不收等役。但有枉法受賄及逼取民財者俱計賍論罪重者處死。

一南京為江南根本之地。館數十省。應設鎮守文武大臣及各衙門職掌。應因應革各大小官員。應裁應併事宜。著吏兵二部會九卿科道詳確議奏。以憑裁定。

一本朝用兵。紀律素嚴。秋毫無犯。但恐光聲震驚。不無流亡轉徙。茲金陵既定。即宜傳檄江南各省地方。速令歸附。仍立與限期。近者一

月遠者三月各取刺頭投順遵依文冊會奏
若固負固不服方可加兵其徽寧池太蘇松
常鎮等府刺頭民人作速緝緝毋致失所

一河南江北江南等處併南京文武官紳及前
朝勲臣倡先慕義投誠歸順者該部通行察
敘具奏仍許赴京朝見驗其才品以酌量推
用

一歸順地方前朝建言降謫諸臣果係持論公
平有裨治理者吏部具奏召用其橫被誣害
公論稱冤曾經薦舉不係貪酷犯贓者併予

照雪敕用一應為民者准冠帶閑住者准致仕山林隱逸懷材抱德者撫按奏薦核用

一南直各省地方在籍科甲鄉紳果係才品素優年力正壯者令該府州縣察明申報撫按具本奏聞一面起送赴京以俟錄用不許徇情濫舉以衰庸充數其應推應選官負聽吏部詳察履歷斷自去年甲申三月以前部冊為據倡先投順從征有功者不在此限

一福王隨從文武官負倉卒迴避者能審識天命傾心來歸與投順官負不體用

一東南雖稱沃壤但年來加派疊征誅求無藝民力殫竭深可憫念凡近日一切額外加派准照三餉等例悉與豁免

一窮民鰥寡孤獨萬廢殘疾不能自存者該府州縣申詳撫按動支預備倉糧給養

一各地方勢豪人等受人枝獻產業人口及騙詐財物者許自首免罪各還原主如被人告發不在赦例仍追還原主

一明季軍興缺乏行一切苟且之政立借富紳貪等項名色巧取財物最為弊政除已征在

官外其餘拖欠未完者悉與蠲免

一河南江北江南等處明朝舊官及軍民人等
近因大兵倉皇逃避父母妻子一旦生離如
有求聚來歸者並無罪責仍令完聚

一福藩馭兵無紀劫掠縱橫致民間父子夫妻
不能相保著地方官多方招輯令各歸原主
其收留隱匿之人概不免罪

一禮部連頒時憲新曆使官民遵行正朔

一各該地方鄉試儒學廩增附生員及每學恩
貢一名正貢一名俱照登極恩詔例行各學

貧生聽地方官核實申文該提學官於所在學田內動支錢米酌量賑給

一歷代帝王陵寢有司照例以時致祭及名臣賢士墳墓俱嚴禁軍民掘毀

一國家遇明朝子孫素從優厚如晉德西藩皆待以殊禮恩賻有加今江西盩厔等府湖廣惠桂等府四川蜀府廣西靖江府各王果能審知天命表奉表來歸者一體優待作賓吾家

一南京各衙門圖書史冊太常祭品及天文儀

像地理戶口版籍應用典故文字責令各該衙門官吏用心收藏不許乘機抽毀致難稽攷其或失散在民間者許赴官交納酌量給賞

一江南要地如廣德衛州贛州九江等處或控引文游或扼處形勝應設鎮守官員及水陸兵馬兵部確議奏奪

一新經校順馬步官兵約二十餘萬除原係各處營制內抽調有應各還原營其新經招募及久離家鄉者通查明白准散歸本籍各安

生業其水兵及船隻仍著領兵官照舊

一南直鎮江蘇州常州府等屬浙江紹興府屬
江西南昌撫州饒州廣信等府屬應解會同
館站價銀兩照北直等恩例分別蠲免南直
馬匹馬價草料子粒銀兩恩赦以前未經征
收者盡行蠲免浙江江西福建廣東廣西雲
南貴州應解節裁銀兩照地方繁簡斟酌蠲
免

一前朝文武大臣如世守雲南總兵官征勦男
寇督兵官及吳楚總兵官左良玉閩廣總兵

官鄭芝龍等若能歸順投誠原加爵位照舊委任

一蜀楚寇孽尚未盡殄其脅從餘黨能改過來歸一果元宥有能縛其渠魁以獻者仍從優錄用

一河南及大江南北避兵人民團結山寨詔書到日并聽各還本業赦除前罪

一南中管兵將吏有曾抗拒王師畏罪屯聚者若能率衆來歸俱量才酌用

一各營兵士傷亡病故者所在官隨即埋殮仍

察明厚卹其家

一營路各僑寓等官有乘亂擾攘私帶在官兵
丁馬匹回家者准將原兵原馬照數交官前
事免其追論

一自去年五月以後南京文武紳士人等或以
彼處條陳事宜有犯本朝者輒從教宥若奸
宄之徒有以此訐告興起大獄搖惑人心者
立寘重典

一越訴誣告敗俗傷財該地方戶婚田土等事
俱就有司歸結有姦棍訟師誘陷愚民入京

越訴者加等反坐

一河南江北江南省直地方應解工部營繕司
折色料銀靛料銀榮麻銀匠價銀虞衡司本
色胖衣褲鞋盛甲腰刀榜紙麂皮狐皮弓箭
撒袋弦條民箭鹿皮折色料價翎毛銀牛角
牛筋銀天鵞銀虎皮銀大鹿銀鷲毛銀活鹿
銀小鹿銀都水司本色竹木板枋杉條木紅
黃羅席草蓆造段生絹土絲芒苧帶筆管丸
皮香經皮山羊毛折色料銀麻鉄銀梳子銀
藍靛銀屯司折色料銀盧課銀自順治二年

二月初一日以前逋欠在民者盡予蠲免自
本年六月初一日以後仍照現行事例分別
蠲免

一各巡按御史以察吏安民為職須虛心體訪
博察公平察其操守諮其議核其出納閱
其判決務使賢否不淆糾舉尤當不許但憑
憑關報及聽信紳^務把持致拂民情自貽^貽行
咎

一新附地方以卹民為第一義有司有濫准詞
狀縱容衙索苦累窮民撫按官恭提究處其

從前各省直巡按委理刑官察盤委府州縣訪悉純是苛虐紙贖攫取賍罰名為除害實以害民今一切禁絕州縣倉庫錢糧只許道府時時清核衙門豪惡只許告發重治巡按官不必循釐陋規察盤訪惡假公濟私浚民肥己有負朝廷惠養元元之至意

一撫按舊習交際餽遺寔長貪黷以後除文移會稿外不許交相餽送其各院承差人役止許用二十名以脩齋奏除緊急重大文移外不得擅差擾累驛遞違者重處

一江南人民稠密事緒繁多一切利弊興革與民更始須詳細調停整頓所有詔書該載未盡事宜宜聽該地方官不時陳奏以便裁酌施行

於戲陟禹蹟而方行大統斯正撫殷遺而若保天下為家既定亂以安民惟更化為善俗敷陳朕志式慰輿情有幹有年仍服先時之樂利無反無側共遵王道之蕩平布告多方咸宜知悉

順治二年六月

二十八

日